



---

Број/Број: 01/6-50-1-6-10/13

Сарајево/Сарајево, 23.01.2013.

**IZVJEŠTAJ O RADU**  
**ZA 2012.GODINU**

Сарајево, јануар 2013.

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, br. 33/06, 41/06, 81/06, 91/06, 91/07, 87/09 i 28/12), Komisija za ostvarivanje ravnopravnosti spolova Predstavničkog doma Parlamentarne skupštine Bosne i Hercegovine na 10. sjednici, održanoj 23.01. 2013. godine, usvojila je

## **IZVJEŠTAJ O RADU ZA 2012. GODINU**

### **I. OPĆENITO O KOMISIJI**

Nadležnosti Komisije za ostvarivanje ravnopravnosti spolova Predstavničkog doma Parlamentarne skupštine BiH (u daljnjem tekstu: Komisija) utvrđene su članom 46. Poslovnika Predstavničkog doma, kojim je propisano da Komisija razmatra pitanja koja se odnose na:

- pitanja u vezi sa ostvarivanjem ravnopravnosti spolova u Bosni i Hercegovini, posebno u vezi s unapređivanjem statusa žena u Bosni i Hercegovini;
- podsticanje aktivnosti u institucijama BiH na provođenju Platforme za akciju Pekinške deklaracije (Četvrta svjetska konferencija o ženama, 1995.) u 12 kritičkih sfera;
- podsticanje i koordinaciju aktivnosti s entitetskim parlamentima na unapređenju statusa žena i provođenju Platforme za akciju Pekinške deklaracije;
- razmatranje predloženih zakona i drugih propisa sa stanovišta ravnopravnosti spolova i sprečavanja diskriminacije žena;
- razmatranje prijedloga dokumenata i izvještaja institucija BiH koji se odnose na ostvarivanje ravnopravnosti spolova i provođenje Platforme za akciju Pekinške deklaracije u cijelosti, odnosno po pojedinim oblastima;
- razmatranje pripreme za učešće delegacija Bosne i Hercegovine na međunarodnim skupovima kad se razmatra provođenje Pekinške deklaracije (UN, Pakt stabilnosti i sl.);

- druga pitanja u vezi sa ostvarivanjem ravnopravnosti spolova.

Komisija je u ovom sazivu PSBiH konstituirana na 1. sjednici, održanoj 9. 6. 2011., izborom predsjedavajućeg (Niko Lozančić), te prve zamjenice predsjedavajućeg (Ismeta Dervoz) i druge zamjenice predsjedavajućeg (Milica Marković).

Ostali članovi Komisije su: Nermina Zaimović-Uzunović, Danijela Martinović, Vesna Krstović-Spremo, Beriz Belkić, Milorad Živković i Zijad Jagodić.

## **II. SJEDNICE KOMISIJE**

U izvještajnom periodu Komisija je održala pet sjednica, s ukupno 25 tačaka dnevnoga reda, kako slijedi:

### **5. sjednica, 28. 2. 2012.**

1. Usvajanje Zapisnika 4. sjednice Komisije;
2. Usvajanje Izvještaja o radu Komisije u 2011. godini;
3. Usvajanje Orijentacionog radnog plana Komisije za 2012. godinu;
4. Usaglašavanje Izbornog zakona BiH sa Zakonom o ravnopravnosti spolova u BiH;
5. Razmatranje Izvještaja s konferencije pod nazivom „Povećanje učešća žena u politici“, od 22.11. 2011.;
6. Tekuća pitanja:
  - a) Udruženje Vesta – Informacija u okviru inicijative za unapređenje položaja majki porodilja u BiH, broj: 01/6-37-98/12, od 19. 1. 2012.;
  - b) Razmatranje inicijative za organiziranje tematske sjednice o položaju Romkinja u BiH;
  - c) Informacija o učešću sekretara Komisije na Regionalnom forumu o ravnopravnom učešću u donošenju odluka, od 15. do 17. 11. 2011., Istanbul (Turska).

### **6. sjednica, 15. 3. 2012.**

1. Usvajanje Preporuka za poboljšanje položaja lica koja se nalaze na porodiljskom odsustvu, u skladu sa zaključkom na 5. sjednici Komisije.

### **7. sjednica, 28. 3. 2012.**

1. Usvajanje zapisnika 5. i 6. sjednice Komisije;
2. Razmatranje inicijative poslanice Ismete Dervoz, akt broj: 01-50-19-223/12, od 21. 2. 2012.

## **8. sjednica, 25. 7. 2012.**

1. Usvajanje Zapisnika 7. sjednice Komisije;
2. Razmatranje pisma predsjednice Komisije za rodnu ravnopravnost Parlamenta Španije Marie del Carmen Quintanilla Barba, od 19. 4. 2012.;
3. Razmatranje dopisa Kolegija Predstavničkog doma, broj: 01-50-2-13-31/12, od 10. 5. 2012., u vezi s inicijativom poslanice Ismete Dervoz kolegijima oba doma Parlamentarne skupštine BiH, sa zahtjevom da iniciraju donošenje odluke kojom će se osigurati zaustavljanje diskriminacije i ostvarivanje ravnopravnosti u jeziku;
4. Razmatranje dopisa poslanice Ismete Dervoz, akt broj: 01/6,03/6-50-19-597/12, od 7. 5. 2012., sa zahtjevom Neformalne ženske romske mreže u BiH „Uspjeh,, za učešće Romkinja u radu Odbora za Rome pri Vijeću ministara BiH;
5. Izvještaj s tematske sjednice Komisije pod nazivom „Položaj Romkinja u zakonima, politikama i praksi, prezentacija izvještaja NVO-a Prava za sve i ICVA o nasilju nad Romkinjama u porodici“, održane 6. 6. 2012.;
6. Izvještaj delegacije Komisije za ostvarivanje ravnopravnosti spolova s međunarodne konferencije pod nazivom „Cetinjski parlamentarni forum: žene, mir, sigurnost – dvije godine kasnije“, Budva, 25. i 26. 6. 2012.;
7. Tekuća pitanja:
  - a) Konferencija o ženskom političkom aktivizmu u BiH, Njemačkoj i Švedskoj, održana u Neumu, od 22. do 24.6.2012.;
  - b) Poziv na međunarodnu parlamentarnu konferenciju o ravnopravnosti spolova i politika, koja će biti održana u Londonu, od 6. do 8.11. 2012.;
  - c) Kampanja “Narančasti dan”;
  - d) Kampanja „Glasaj za žene“.

## **9. sjednica, 22. 10. 2012.**

1. Usvajanje Zapisnika 8. sjednice Komisije;
2. Utvrđivanje Prijedloga zakona o izmjeni i dopunama Zakona o radu u institucijama Bosne i Hercegovine;
3. Utvrđivanje Prijedloga zakona o izmjeni i dopuni Zakona o plaćama i naknadama u institucijama Bosne i Hercegovine;
4. Izvještaj o posjeti delegacije Komisije gender institucijama Kraljevine Španije;
5. Informacija sa sastanka s Jeanom Charlesom Gardettom, izvjestiocem Komiteta za jednakost i borbu protiv diskriminacije Parlamentarne skupštine Vijeća Evrope;

6. Donošenje odluke o održavanju tematske sjednice Komisije povodom 25. novembra, Međunarodnog dana borbe protiv nasilja nad ženama;
7. Informacija o predstojećoj posjeti posebne izvjestiteljice UN-a o nasilju nad ženama;
8. Izvještaj o učešću Ismete Dervoz na konferenciji u Tirani 14. septembra 2012.;
9. Informacija o održavanju parlamentarnog seminara pod nazivom „Zaštita ljudskih prava i položaj žena i djece“, Brisel, 14. i 15. novembar 2012.

### **III. ZAKONODAVNE AKTIVNOSTI**

Provodeći aktivnosti usaglašavanja zakona sa Zakonom o ravnopravnosti spolova u BiH, Komisija je utvrdila i Predstavničkom domu podnijela prijedlog za usvajanje dva zakona, i to:

- Prijedlog zakona o izmjeni i dopunama Zakona o radu u institucijama Bosne i Hercegovine;
- Prijedloga zakona o izmjeni i dopuni Zakona o plaćama i naknadama u institucijama Bosne i Hercegovine.

### **IV. TEMATSKE SJEDNICE KOMISIJE**

IV./1. Na 6. tematskoj sjednici Komisije, održanoj 15. marta, razmotreno je stanje u Bosni i Hercegovini u pogledu ostvarivanja prava porodilja na porodiljske naknade, pa su usvojene preporuke za poboljšanje stanja i dostavljene nadležnim institucijama.

IV./2. Tematska sjednica pod nazivom “Jačanje političke volje u suzbijanju rodno zasnovanog nasilja” održana je 2. i 3. aprila, u saradnji s Agencijom za ravnopravnost spolova BiH, i to u okviru zajedničkog projekta Razvojnog programa Ujedinjenih naroda i Populacijskog fonda Ujedinjenih naroda “Prevenција i suzbijanje seksualnog i rodno zasnovanog nasilja u Bosni i Hercegovini”.

IV./3. Uz podršku Misije OSCE-a, 6. juna održana je tematska sjednica pod nazivom „Položaj Romkinja u zakonima, politikama i praksi, prezentacija izvještaja NVO Prava za sve i ICVA o nasilju nad Romkinjama u porodici“, te su usvojeni zaključci koji su dostavljeni nadležnim institucijama.

IV./4. Komisija je 21. novembra u saradnji s Agencijom za ravnopravnost spolova BiH i uz podršku Misije OSCE-a u Sarajevu održala tematsku sjednicu povodom 25. novembra,

Međunarodnog dana borbe protiv nasilja nad ženama, s ciljem ukazivanja na značaj organizirane borbe protiv nasilja nad ženama i nasilja u porodici, te predstavljanja Konvencije Vijeća Evrope o sprečavanju i borbi protiv nasilja nad ženama i nasilja u porodici i Priručnika za parlamentarce, kao alata u njenoj primjeni, ali i upoznavanja s analizom kaznenopravnih sankcija iz sudske prakse u ovoj oblasti.

## **V. KONFERENCIJE, SASTANCI, SEMINARI**

**Članice i članovi Komisije učestvovali su na više konferencija, radionica i seminara, kako slijedi:**

- ❖ Konferencija "Rodna pitanja u reformi sektora sigurnosti", 27. mart, Vitez;
- ❖ Konferencija "Suočavanje sa stvarnošću i budućnošću za Romkinje u BiH", 25. i 26. april, Sarajevo;
- ❖ Radionica „Ženski politički aktivizam u BiH, Njemačkoj i Švedskoj“, 23. juni, Neum
- ❖ Međunarodna konferencija „Cetinjski parlamentarni forum: žene, mir, sigurnost – dvije godine kasnije“, 25. i 26. juni u Budvi;
- ❖ Radionica „UN Women“ o rodno odgovornom budžetiranju, 13. i 14. novembar, Jahorina;
- ❖ Parlamentarni seminar pod nazivom „Zaštita ljudskih prava i položaj žena i djece“ Evropski parlament u Briselu, 14. i 15. novembar;
- ❖ Prezentacija "Akcioni plan Vijeća ministara BiH za praćenje provedenja UNSCR 1325 - žene, mir i sigurnost ", 11. decembar;
- ❖ Predstavljanje rezultata zajedničkog projekta Vijeća Evrope i Američke agencije za međunarodni razvoj USAID pod nazivom “Jačanje uloge žena i mladih političkih lidera u BiH”, 14. decembar;
- ❖ Regionalna radionica „Parlamentarne organizacije žena, OSCE/ODIHR“, od 9. do 12. decembra, Beč;
- ❖ Komisija je 8. marta organizirala i prijem za zaposlenice u Sekretarijatu PSBiH povodom Međunarodnog dana žena;

**Održano je i više sastanaka s domaćim i međunarodnim zvaničnicima:**

- ❖ Komisija je ostvarila dobru saradnju, a njeno rukovodstvo imalo je sastanke s nevladinim organizacijama: “Prava za sve”, “ICVA” , “Udružene žene”, “Uspjeh” i “Infoteka”;
- ❖ Sastanak s Petrom Blass, višom političkom konsultanticom u Bundestagu;
- ❖ Sastanak s Jean – Charles S. Gardettom, izvjestiocem PS Vijeća Evrope;

- ❖ Sastanak s Rashidom Manjoo, specijalnom izvjestiteljicom UN-a o nasilju nad ženama.

## VI. BILATERALNI SUSRETI

Mješovita delegacija ove komisije, Agencije za ravnopravnost spolova BiH i Ministarstva za ljudska prava i izbjeglice BiH, na poziv gender komisije Parlamenta Kraljevine Španije, boravila je 11. i 12. septembra u posjeti gender institucijama Kraljevine Španije.

## VII. OSTALE AKTIVNOSTI

Komisija je, u sklopu održavanje tematske sjednice posvećene Međunarodnom danu borbe protiv nasilja nad ženama, objavila Priručnik za parlamentarce, koji treba olakšati parlamentarcima i parlamentarkama primjenu Konvencije Vijeća Evrope o sprečavanju i borbi protiv nasilja nad ženama i nasilja u porodici.

Priručnik je dokument Vijeća Evrope, te je uz saglasnost vlasnika autorskih prava preveden na jezik u službenoj upotrebi u BiH, štampan i podijeljen učesnicima sjednice ali i svim parlamentarkama i parlamentarcima Parlamentarne skupštine BiH, Parlamenta Federacije BiH i Narodne skupštine Republike Srpske, kao i Agenciji za ravnopravnost spolova BiH i gender centrima.

## III. PRISUSTVO SJEDNICAMA

U tabeli je dat prikaz prisustva članova Komisije sjednicama. Izostanke sa sjednica kojima nisu prisustvovali, članovi Komisije su opravdali.

IME I PREZIME	S J E D N I C A				
	5. 28.2.	6. 15.3.	7. 28.3.	8. 25.7.	9. 22.10.
NIKO LOZANČIĆ	+	+	-	+	+
ISMETA DERVOZ	+	+	+	+	+
MILICA MARKOVIĆ	+	+	-	-	-
BERIZ BELKIĆ	+	+	+	+	+
ZIJAD JAGODIĆ	+	+	+	+	-

VESNA KRSTOVIĆ-SPREMO	+	+	-	+	+
DANIJELA MARTINOVIĆ	+	+	+	+	+
NERMINA ZAIMOVIĆ-UZUNOVIĆ	+	+	+	+	+
MILORAD ŽIVKOVIĆ	-	+	-	+	-

Potrebno je istaknuti da su članovi Komisije uglavnom uredno najavljivali sekretaru Komisije razloge zbog kojih su bili spriječeni da prisustvuju sjednicama, te nijedna sjednica nije otkazana zbog nedostatka kvoruma.

PREDSJEDAVAJUĆI KOMISIJE

Niko Lozančić